

Minister Tjon ta anuncia alocacion di 600 mil florin pa proyecto dedica na adictonan ambulante

Durante conferencia di prensa, Minister di Husticia y Asuntonan Social, Rocco Tjon a anuncia cu Consejo di Minister a aproba un fondo di 600 mil florin pa asina cumin-sa cu un proyecto dedica specialmente na atende cu e problematica di adic-tonan ambulante na Aru-ba.

“Awe mi ta para akinan cu hopi satisfaccion pa haci anuncio cu diabierna cu a pasa, Consejo di Minis-ter a aproba 600 mil florin pa atende cu e problematica aki”, Tjon a expresa. El a sigui splica cu e fondonan aki lo wordo aloca pa Stichting FMAA, den futuro Stichting Hunto, hunto cu SPD por ehecuta e proyecto aki na un forma responsabel y un forma integral pa atende cu e fenomeno di adictonan am-bulante riba caya.

Prome cu el a duna detaye di e fondonan y pa kico ta bay aloca esakinan specifi-camente, Minister Tjon a gradici tur e profesionalnan presente na e conferencia di prensa y tambe e stuurgroep GGZ. Manera ta conoci de-saroyonan ta muestra cu mes-ter cera e buraco cu tin entre aspectonan di salud mental y aspectonan di adiccion.

El a remarca cu e papia cu e profesionalnan tambe den e veld, mas y mas nan ta papia di un diagnostico dobel. Esa-ki kiermen cu clientenan no tin retonan riba un tereno so, e tereno di adiccion, pero nan tin reto tambe riba e aspecto di salud mental y p’esey tur e proyectonan aki ta nace prac-ticamente for di e stuurgroep GGZ.

Minister a indica cu manera ta conoci ora cu wak e meer-jarig beleidsplan (maneho multianual) di Ministerio di Husticia y Asuntonan Social, e proyecto aki, bemoeizorg, ta atende cu adictonan ambu-lante na un manera proactivo riba caya, ta forma parti di dje y ya caba a wordo anuncia na final di 2021 na momento cu nan mester trata presupuesto 2022.

“E bunita di e proyecto aki ta cu na un manera duradero lo bay atende cu e aspecto aki. Tin fondonan aloca cu a wordo aproba pa 2022”, el a agrega. El a sigui splica cu



dia 1 di september e ekipo di profesionalnan lo mester ini-cia nan trabao, pero na mesun momento tambe e aproba-cion ta conta cu e fondonan pa sigui usa tambe den 2023, cu e plan cu na 2024 Stichting Hunto lo haci e peticion a base di nan subsidio regular pa nan por sigui atende cu e fenomeno aki.

E fondonan aki ta nifica cu por emplea cinco profes-ional cu lo ta trahando riba e proyecto aki so di manera full-time. Esaki kiermen cu na un manera proactivo nan ta acerca e adictonan am-bulante y ta percura pa nan wordo ubica den un di e cen-tronan.

Pa loke ta e centronan, Tjon a splica cu na inicio esaki lo ta bay e centro na Meiveld, pero den cuadro di e proyecto aki tambe a aloca 100 mil flo-rin pa renoba cuater camber na Centro Colorado y cua-ter camber ta nifica 16 pa 24 cama, caminda e adictonan ambulante por ricibi e ayudo necesario.

El a remarca cu obviamente mester tene cuenta cu dife-rente otro aspecto. Ora saca un persona for di caya mes-ter percura pa brinda e cuido cu e tin mester di dje, pero di otro banda tambe tin as-pectonan manera cuminda y aspectonan basico cu nan tin mester di dje tambe.

“Den cuadro cu e proyecto aki a tene cuenta cu tur e fon-donan aki, manera mi a men-ciona, pa asina bo por atende na un manera duradero y na un manera structural cu e fenomeno aki”, el subraya.

Minister Tjon a indica cu es-aki ta un di e parti nan, pero manera ta conoci tin e plan di vision a largo plaso. Esaki ta un aspecto cu e stuurgroep GGZ hunto cu PAHO (Or-ganisacion Panamericano di Salud) a yega na dje, pero tin tambe e vision a corto plaso y e tipo di proyectonan aki ta nace for di e plannan aki.

El a comenta cu diaranson awo tambe tin un proyecto ta wordo lansa pa loke ta e proyecto infrastructural di Stichting Hunto caminda SPD hunto cu FMAA ta bay wordo ubica den un edificio hunto pa asina e procesonan ta miho aline na otro y pa nan por brinda un miho cuido na tur esnan cu tin mester di esaki. No adultonan so, pero tambe na mucha y hoben-nan y dentro di poco tin mas proyectonan tambe ta bay wordo anuncia. El a comenta cu Fada tin algun proyecto cu ta bay wordo anuncia dentro di poco, SPD tambe y riba e tereno di opleiding tambe tin hopi iniciativa ta wordo ehe-cuta.

“600 mil ta wordo aloca pa por atende cu e parti di adic-tonan ambulante, sobre todo den e centronan di ciudad. Esaki obviamente lo eleva se-guridad, lo baha e molester pa tur esunnan cu ta bishita nos centronan y e ta crea un miho bista den ciudad”, Minister Tjon a enfatisa.

Pa loke ta trata e ley cu tin

aworaki cu no ta obliga nin-gun adicto pa registra na un centro of busca ayudo, pero mester haci esaki di manera boluntario, Minister Tjon a indica cu keto bay e leynan a keda mescos. El a menciona e plan strategico a largo plaso y a base di e plan ey tin dife-rente gruponan cu ta traha y un di e gruponan aki ta atende especificamente cu e parti di legislacion. El a sub-rraya cu e procesonan legisla-tivo ta tuma su tempo, pero e aspectonan ey tambe tin nan atencion.

El a agrega cu den diferente combersacionnan cu tur e profesionalnan den e veld, bemoeizorg ta un concepto prueba, aunke en berdad e ta boluntario, pero e profesion-alnan cu ta bay ta encarga cu esaki lo haya un training ariba con mester ehecuta esaki.

“Un concepto prueba na Hu-landa, un concepto prueba tambe na Boneiro caminda resultadonan di investiga-cionnan científico ta muestra bo tambe na momento cu abo como profesional logra convence e persona cu e mes-ter di e ayudo a base di e her-mentnan cu bo ta haya cu e training, e probabilidad cu e ta bay ta exitoso tambe den su rehabilitacion tambe ta mas grandi”, e minister a resalta.

